

git; succinum ex suo Capite mortuo regenerat; pro genuino Elixi proprietatis myrræ singularem solutionem tradit; Cornu cervi sine igne cum Calce viva calcinat, ac Tincturam ex sale urinæ fixo, usui medico æque ac metallico accommodatam extrahit. De cætero variorum phænomenorum chymicorum ætiologias evolvit, ac controversias non leves dirimit, v. g. quod alcalia fixa revera differant; Cantharides succum vesicatorium in intestinis & sal volatile in pedibus habent; unde Aurum a spiritu vitrioli philosophico albescat; aliquid Mercurii butyro antimonii & Mercurio vitæ subesse; sulphur Antimonii vulgare haud esse purum sulphur; cur ponderi Antimonii per hujus infusiones nihil decedat; ut reliquas materias taceamus, theoretico nos minus ac practico jucundas ac proficias.

SCUTUM SOBIESCIANUM, & ENSES

Electorales Saxonici, Novi in Cœlo Asterismi.

Quod priscis gentilium Astronomis familiare dudum fuit, ut præstantium Heroum nomine certis stellis, in asterismi speciem compactis, indito, memoriam eorundem æternitati consecrarent: illud, postquam successu temporum, toto pene stellarum exercitu in signa certa jam disposito, inolevit, præsenti iterum seculo moris esse cœpit, ex quo cœlum intentioribus oculis inspectum, novos veluti cœli incolas, novasque stellarum eohortes in aciem produxit, nullo adhuc charactere notatas, aut in sideris aliquam speciem collectas. Sic celeberrimo Galileo Galilai Satellitum Jovialium quaternio tubospe-
cilli ope detectus, sub siderum Medicæorum titulo, Serenissimæ Domus Medicææ gloriæ consecratus est: cuius ad exemplum anno 1642 Joannes Antonius Maria de Rheiæ, in oculo Enoch & Elia quinque alias stellas sibi primum viisas, & circumjoviales creditas, Urbanoclavianas, honori tum viventis Pontificis Romani nuncupavit. Pat institutum Michaeli Florentio Langreno sua Lunarium macularum nomenclatura fuit. Deditque memoriaz perpetuæ servati sub latebris quercus Caroli II Magnæ Britanniæ hodie Monarchæ, Robur Carolinum, ad alterum polum, inter Argo navem, Piscem volantem, Chameleonta & Centaurum, duodecim stellis emicans, nobilissimus Angliaz Astronomus Edmundus Halley, in Catalogo suo stellarum australium.

TAB. X.

Geminō studio, Potentissimos Principes, Johannem III Poloniae Regem, & Joannem Georgium III Saxoniae Electorem, illum scuto gentilitio, hunc ensibus electoralibus inter sidera effulgentes, hic exhibemus. Et Scutum Sobiescianum celeberrimus *Hevelius* Regis suo, cum circumiacentibus asterismis, prout in *Opere Uranographico* ejus, dem Autoris propediem edendo conspiciendum erit, delineatum, lapsò vere dedicavit; nobis vero magnitudines, longitudines & latitudines stellarum in subjecta Tabella humaniter transmisit, quas B. Lectori, ut situm sideris in globo investigare possit, communicandas duximus.

Nomina Stellarum.	Magni- tu- do.	Longitudo.	Latitudo Bor.
	o. / //	o. / //	o. / //
In limbo Scuti superiori ad cuspidem Aquilæ	4	8. 13. 26. <i>b</i>	18. 17. 49.
In limbo Scuti orientali.	5	5. 42. 39. <i>b</i>	16. 57. 46.
In limbo Scuti occidentali superior	5	10. 57. 23. <i>b</i>	14. 59. 13.
inferior nebula.		3. 3. 17. <i>b</i>	9. 5. 24.
In Cruce Scuti occidentalis	4	4. 53. 9. <i>b</i>	15. 1. 29.
orientalium superior	5	6. 49. 37. <i>b</i>	15. 6. 33.
inferior.	5	6. 37. 29. <i>b</i>	14. 2. 25.

Enses Electorales Saxonicos pietati erga Clementissimum Electorem nostrum *Godofredi Kirchii*, solertissimi Astronomi debemus. Horum in cœlo situm, adiectæ stellæ vicinæ celebriores luculenter designant: ipsæ stellæ, numero octo, nudis oculis omnes sunt conspicuae, earumque fulgentior in intersectione Easium, fixis quartæ magnitudinis accensenda venit, reliquæ ad quintam & sextam magnitudinem accedunt: literis vero characteristicis Herois nostri nomes commode referentes, non interiruram unquam tant i Principis glo- riæ non vano omne pollicentur,

M. TUL.

Scutum
SOBIESCIANUM

